

冊府元龜

第二冊

冊府元龜

中華書局影印

圖書在版編目(CIP)數據

冊府元龜/(北宋)王欽若等編. —北京:中華書局,
1960.6(2012.3重印)

ISBN 978-7-101-00386-4

I. 冊… II. 王… III. 百科全書-中國-北宋
IV. Z222

中國版本圖書館 CIP 數據核字(2003)第 048058 號

冊 府 元 龜

(全十二冊)

[北宋]王欽若等 編

*

中 華 書 局 出 版 發 行

(北京市豐臺區太平橋西里 38 號 100073)

<http://www.zhbc.com.cn>

E-mail: zhbc@zhbc.com.cn

北京市白帆印務有限公司印刷

*

787×1092 毫米 1/16·743½ 印張

1960 年 6 月第 1 版 2012 年 3 月北京第 7 次印刷

印數:8501-9000 冊 定價:2280.00 元

ISBN 978-7-101-00386-4

冊府元龜第二冊目錄

帝王部 (二)

卷九七	獎善	一一五一
卷九八	禮賢	一一五六
卷九八	徵聘	一一六五
卷九九	推誠	一一七七
卷一〇〇	親信	一一八三
卷一〇〇	聽納	一一八九
卷一〇一	納諫	一二〇一
卷一〇二	招諫一	一二一六
卷一〇三	招諫二	一二二七
卷一〇四	訪問	一二三四
卷一〇五	惠民一	一二四九
卷一〇六	惠民二	一二六三
卷一〇七	朝會一	一二七二
卷一〇八	朝會二	一二八三
卷一〇九	宴享一	一二九四
卷一一〇	宴享二	一三〇六
卷一一一	宴享三	一三一六
卷一二二	巡幸一	一三二七
卷一二三	巡幸二	一三四三

卷一二四	巡幸三	一三五七
卷一二五	籍田	一三六八
卷一二六	蒐狩	一三七三
卷一二七	親征一	一三八〇
卷一二八	親征二	一三九三
卷一二九	親征三	一四〇七
卷一三〇	選將一	一四二〇
卷一三一	選將二	一四三三
卷一三二	征討一	一四四二
卷一三三	征討二	一四五五
卷一三四	征討三	一四六九
卷一三五	講武	一四八一
卷一三六	修武備	一四八七
卷一三七	料敵	一四九五
卷一三八	納降	一五〇六
卷一三九	明賞一	一五一八
卷一四〇	明賞二	一五三一
卷一四一	封建	一五四九
卷一四二	延賞一	一五五八
卷一四三	延賞二	一五七〇
卷一四四	褒功一	一五八六
卷一四五	褒功二	一五九九

卷一三四	念功	一六一四
卷一三五	愍征役	一六二三
	好邊功	一六三五
卷一三六	慰勞	一六四一
卷一三七	旌表一	一六五三
卷一三八	旌表二	一六六五
卷一三九	旌表三	一六七七
卷一四〇	旌表四	一六九〇
卷一四一	念良臣	一七〇四
	抑外戚	一七一二
	尊外戚	一七一四
卷一四二	弭兵	一七二〇
	和好	一七二五
卷一四三	弭災一	一七三四
卷一四四	弭災二	一七四六
卷一四五	弭災三	一七五五
卷一四六	恤下一	一七六六
卷一四七	恤下二	一七七五
卷一四八	知子	一七八六
	知臣	一七八八
卷一四九	辨謗	一七九九
	捨過	一八〇四

卷一五〇	寬刑	一八一〇
卷一五一	慎罰	一八一九
卷一五二	明罰一	一八三五
卷一五三	明罰二	一八五〇
卷一五四	明罰三	一八六四
卷一五五	督吏	一八七三
卷一五六	誠勵一	一八八一
卷一五七	誠勵二	一八九四
卷一五八	誠勵三	一九〇六
卷一五九	革弊一	一九一七
卷一六〇	革弊二	一九二八
卷一六一	命使一	一九三九
卷一六二	命使二	一九五〇
卷一六三	招懷一	一九六二
卷一六四	招懷二	一九七四
卷一六五	招懷三	一九八六
卷一六六	招懷四	一九九九
卷一六七	招懷五	二〇一二
卷一六八	却貢獻	二〇二三
卷一六九	納貢獻	二〇三二
卷一七〇	來遠	二〇四六
卷一七一	求舊一	二〇六一

卷一七二 求舊二 二〇七三

卷一七三 繼絕 二〇八八

卷一七四 修廢 二〇九八

卷一七五 悔過 二一〇四

罪己 二一一〇

卷一七六 姑息一 二一一四

卷一七七 姑息二 二一二五

卷一七八 姑息三 二一三六

卷一七九 姑息四 二一五〇

卷一八〇 失政 二一五七

濫賞 二一六四

卷一八一 惡直 二一六八

疑忌 二一七三

無斷 二一八〇

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 九十七

獎善 禮賢

獎

書曰用德彰厥善禮云隱惡揚善用中於民其斯以爲舜乎是知王者稱善所以懲惡獎一所以勵百將使在下者聳思齊之心臻耻格之化若風草之偃置冊府元龜 帝王部 卷之九十七 一

郵之速也繇漢已來士有立節守正博聞稽古持廉崇讓明經執法英文煥發至性內篤治行尤異忠欸昭著精思絕妙膽氣剛毅彰穎悟於童幼形著撰於細素拔乎其萃良非一途而當時之君或形於獎激加之爵號申以賜予齒於榮官使才美遞進貪懦知勸斯固大禹稱善之旨詩人烝髦之訓者也

漢高帝時朱建故嘗爲淮南王英布相布欲反問建建諫止之布不聽漢既誅布聞建諫之賜建號平原君

文帝時賈誼爲長沙王傳後歲餘帝思誼徵之至入

見帝方受釐坐宣室宣室未央前正室也釐彘肉也漢儀注祭天地五時皇帝不自行祠還致福釐福也帝因感鬼神事而問鬼神之事誼

具道所以然之故至夜半文帝前席漸促近誼聽說其言既罷

曰吾久不見賈生自以爲過之今不及也迺拜誼爲

梁懷王太傅懷王帝少子愛而好書故令誼傳之數

問以得失誼朝問以國家之事

後漢光武東巡路過小黃高帝母昭靈后園陵在焉

時虞延爲都督郵詔呼引見問園陵之事延進止從

容占拜可觀其陵樹株葉皆諳其數俎豆犧牲頗曉

其禮帝善之勅延從駕到魯還經封丘城門門下小

冊府元龜 帝王部 卷之九十七 二

不容羽蓋帝怒使掇侍御史延因下見引咎以爲罪

在督郵言辭激揚有感帝意乃制詔曰以陳留督郵

虞延故實御史罪從送車駕西郡盡界賜錢及劔帶

佩刀還郡於是聲名遂振

周防年十六仕郡小吏光武巡幸汝南召掾史試經

防尤能誦讀拜爲守丞

何湯爲開陽門侯建武十八年夏旱公卿皆暴露請

雨雒陽令若車蓋出門湯將衛士鈎令車收案有詔

免令官拜湯虎賁中郎將帝嘗歎曰起起武夫公侯

干城何湯之謂

章帝時黃香爲郎中帝詔香詣東觀讀所未嘗見書香後見休及歸京師時千乘王冠帝會中山邸乃詔香殿下顧謂諸王曰此天下無雙江夏黃童者也左右莫不改觀

後魏道武自鄴還京師次於嘗嶺帝親登山頂撫慰新民適黃門侍郎崔玄伯扶老母登嶺帝嘉之賜以牛米因詔諸從人不能自進者給以車牛後玄伯爲周兵將軍道武末明元未立清河王紹聞人心不安大出財帛班賜朝士玄伯獨不受明元卽位命玄伯居門下虛已訪問以不受詔賜財帛特賜帛三百疋冊府元龜帝王部卷之九十七三

長孫嵩已下咸愧焉

古弼爲門下奏事以敏正著稱明元嘉之賜名曰筆取其直而有用後改爲弼言其輔佐才也

太武時公孫軌爲諸軍司馬太武平赫連昌引諸將帥入其府藏各令任意取金玉諸將取之盈懷軌獨不探把太武乃親探金賜之謂軌曰卿可謂臨財不苟得朕所增賜者欲顯廉於衆人

孝文時于烈爲光祿勳卿其子登引例求進烈上表乞黜落孝文曰此乃有識之言不謂烈能辨此乃引見登詔曰朕今創禮新邑明揚天下卿父乃行謙讓

之表而有直士之風故進卿爲太子翊軍較

崔挺爲昭武將軍光州刺史太和中車駕幸兖州召挺赴行在所及見引喻優厚又問挺治邊之畧因及文章孝文甚悅謂挺曰今日擁旄者悉皆如此吾何憂哉

崔孝芬挺之長子爲北海王詳司馬早有才識博學好文章孝文召見甚嗟賞之

賈元壽爲中書侍郎作雒陽北邙寺碑文孝文頻登其寺觀讀文稱爲佳作

傅永字修期爲安遠將軍孝文每嘆曰上馬能擊賊

冊府元龜帝王部卷之九十七四

下馬作露板唯傳修期耳

後周文帝時柳敏爲大都督遭母憂居喪旬日之間鬚鬢半白尋起爲吏部郎中毀瘠過禮杖而後起帝

見而嘆異之特加廩賜

武帝建德四年盧柔子愷爲禮部大夫其秋李穆攻拔軹關栢崖二鎮命愷作露布帝讀之大悅曰盧愷

文章大進荀景倩故是令君之子臣欽若等曰今君謂後漢尚書令荀

或也或子頭字景倩

隋高祖初高構爲民部侍郎時內史侍郎晉平東與兄子長茂爭嫡尚書省不能斷朝臣叅議不決構斷

而合理帝以爲能召入內殿勞之曰我聞尚書郎上應列宿觀卿才識方知古人之言信矣嬭庶者禮教之所重我讀卿判數遍詞理愜當意所不能及也賜米百石繇是知名

辛彥之爲隨州刺史于時州牧多貢珍翫唯彥之所貢並供祭之物高祖善之顧謂朝臣曰人安得不學彥之所貢稽古之力也

鄭譯爲柱國奉詔定樂於太嘗帝勞譯曰律令則公定之音樂則公正之禮樂律令公居其三良足美也楊恭仁司空觀王雄之長子仁壽中累除甘州刺史册府元龜帝王部 獎善卷之九十七 五

恭仁移舉大綱不爲苛察戎夏安之高祖謂雄曰恭仁在州甚有善政非惟朕舉得人亦是卿義方所致也

煬帝大業五年弘化太守柳儉入朝郡國畢集帝謂納言蘇威吏部尚書牛弘曰其中清明天下第一者爲誰威等以儉對帝又問其次威以郡丞郭絢穎川郡丞敬肅等二人對帝賜儉帛二百疋絢肅各一百疋令天下朝集使送至郡邸以旌異焉論者美之王伽開皇末爲齊州參軍送流囚李參等七十餘人詣京師伽哀其辛苦悉脫枷停援卒與期曰某日常

至京師如致前却吾當爲汝受死舍之而去流人感悅依期而至一無離叛帝聞而驚異之召見與語稱善久之於是悉召流人并令携負妻子俱入賜宴於殿庭而赦之乃下詔曰凡在有生含靈稟性咸知好惡並識是非若臨以至誠明加勸導則俗必從化人皆遷善往以海內亂離德教廢絕官人無慈愛之心兆庶懷奸詐之意所以獄訟不息澆薄難治朕受命上天安養萬姓思遵聖法以德化人朝夕孜孜意在於此而伽深識朕意誠心宜道參等感悟自赴憲司明是率上之人非爲難教良是官人不加示曉致令

册府元龜帝王部 獎善卷之九十七 六

陷罪無繇自新若使官盡王伽之儔人皆李參之輩刑厝不用其何遠哉於是擢伽爲雍令

唐高祖武德二年正月始平人宗士胄負米一石委於太倉而去云願少益軍國高祖嘉之賚物百段七年七月詔曰自隋以來離亂永久雅道淪缺儒風莫翊朕膺期御宇靜難齊民欽若典謨以資政術思弘德教光振遐軌是以廣設庠序益召學徒旁求俊異務從獎擢寧州羅川縣前兵曹史孝謙守約丘園伏膺道素爰有二子年並幼童講習孝經咸暢厥旨義方之訓實堪勵俗故從優秩賞以不次宜普頒示

咸使知聞如此之徒並卽申上朕加親覽特將褒異太宗貞觀十三年十一月揚州總管長史李襲舉撰忠孝圖二十卷奏之太宗覽而稱善因下書曰卿情深奉國志在忠孝爰錄前烈圖之丹青事兼勸獎足勵風俗再三循覽朕甚嘉之

十六年四月甲辰太宗閱陸德明經典音義美其弘益學者嘆曰德明雖亡此書足可傳習因賜其家布帛百疋

十九年太宗征遼紀王府參軍喬寶明以乘輿暴露堅城之下賊久未平不勝其憤因至長安爲司空房

冊府元龜

帝王部
獎善

卷之九十七

七

玄齡陳取高麗之算玄齡表送詣行所謁太宗太宗與語甚奇之謂曰安市不降平壤尚遠我慮三軍寒凍已命班師卿既遠來今者欲陳何策寶明曰昔魯連飛箭而燕將死陸賈使越而趙佗順臣願將命平壤申喻高麗高麗承駢踵之後心膽破裂裂臣得進說其必面縛而自致耳若懷不遜臣請爲傳介子斷蘇文之首以降其國太宗壯其言曰我之求人甚於人之求祿如卿之輩終不投之死地也於是引寶明參侍從之別尋守通事舍人

呂才爲太常博士太宗又令才造方域圖及教飛騎

戰陣圖皆稱旨擢授太常丞

程名振爲雒州刺史太宗將征遼東召各振問以經畧之事名振初對失旨太宗動色詰之名振讐對逾辨太宗意解謂左右曰房玄齡嘗在我前每見我噴餘人猶顏色無主名振生平不見我向來責讓而詞理縱橫亦奇士也卽日拜右驍衛將軍

張昌齡貞觀末獻翠微宮頌太宗召見令作息兵詔草甚加賞歎曰禍衡潘岳之儔也令於通事舍人裏供奉

李百藥除宗正卿後致仕歸家太宗嘗製帝京篇令

冊府元龜

帝王部
獎善

卷之九十七

八

百藥和之手詔答曰省所和事極爲佳作何身之老而才之壯何齒之宿而意之新乎

李義府舉進士劉洎馬周薦之太宗令詠烏援筆爲詩曰何惜鄧林樹不借一枝棲太宗喜曰當盡借卿全樹何止一枝也尋除監察御史

高宗咸亨元年六月帝御冷泉宮亭子召許敬宗泉男生及東西臺三品舉酒作樂帝謂男生曰聞卿悔不讀書信乎男生奏稱臣生在海隅莫知善惡自沐皇化方欲自新既恥面牆始學讀書是實敬宗奏曰男生夷人豈知好學雖欲自強亦無及也帝曰大學

植也不學將落玉不琢不成器人不學不知道如欲
化人成俗其必繇於學乎故曰困而不學斯爲下矣
乃賜男生興寧坊之田第及美女寶貨

玄宗開元初吏部尚書崔日用嘗探毛詩大雅小雅
二十篇及司馬相如封禪書因帝生日表上之以申
規諷并述善成之事手詔答曰夫詩者動天地感鬼
神厚於人美於教矣朕志之所尚思與之齊庶乎採
詩之官補朕之闕且古者封禪升中告成朕以菲德
未明於志道悚然以聽頗壯相如之詞惕然載懷復
慙夷吾之詔卿洽聞殫見溫故知新建此發揮益彰
冊府元龜帝王部 獎善 卷之九十七 九

忠懇豈非封蓬山之籍心不忘於起予因蘭殿之祥
言固深於沃朕循環覽輒用慰于懷今賜卿衣裳一
副物五十段以示無言不驕之信也

五年勅蒲州童子吳豸之薄綴小篇兼記古事不稍
優異無申獎勵宜賜其父絹十疋令更習學便有成
就

肅宗時杜亞字次公京兆人少頗涉學善言物理及
歷代成敗之事至德初於靈武獻封章言政事授較
書郎

董晉字混成舉明經及第至德初帝自靈武幸彭原

晉上書謁見授較書郎翰林侍制
憲宗元和五年三月獻策人張權與游君愛各賜衣
任所適

武宗嘗曾私撰數字以示侍講王起起曰臣書中所
不識者唯八駿圖中三五字而已今此字臣未知出
於何書武宗笑而奇之故待如師友因曰當代仲尼
晉高祖天福二年六月勅進策官前攝鄭州防禦巡
官前鄉貢明經張休以廉科擢第義府遊心既堅拾
芥之勤果莫然薪之志而能救斯時病來貢封章覽
其所陳甚爲濟要旌諸憂國示以寵章王畿式鮮於
冊府元龜帝王部 獎善 卷之九十七 十

褐衣縣簿仍超於嘗品可將仕郎守河南府伊陽縣
主簿

三年二月庚辰左散騎嘗侍張名進駁赦論帝覽而
嘉之降詔獎餽仍赴史館

六年正月辛酉朔上受朝於崇元殿刑部員外郎李
象進二舞賦一首帝覽而嘉賞令編諸史冊

周世宗顯德二年草澤趙守微投匭上書指陳治道
帝覽之宜召顧問初令樞密直學士邊歸謹試策論
詩賦復令中書程試以其文義小有可觀翌日乃授
右拾遺賜衣服銀帶繒帛鞍馬等兼降詔獎餽仍以

所試策論詩賦宣示百官

四月太子少保王仁裕進回文金鏡銘上善之賜帛百疋九月仁裕又以自製詩賦寫圖上進賜銀器五十兩衣著五十疋

三年十二月兩浙進奉掌書記歙州刺史周叔獻進上國觀光歌一首帝以綵鞍馬賜之

六年二月辛卯以新及第進士高覲爲右補闕仍賜

衣一襲烏金帶一銀器一百兩衣著二百疋銀鞍勒

馬一匹是時帝銳意於平燕及覲登第因其謝恩入

對命宰臣以平燕論試之既而覲著論盛言燕可擊

冊府元龜

帝王部
獎善

卷之九十七

十一

甚愜帝旨故有是超拜復厚加賜賚焉

禮賢

夫賢者國之紀人之望也是故有方之士繫矩以行之萬乘之主虛心以待之上以成王者之美下以通天下之志所以用人勸而邦用乂也其或才識明備行實敦篤或動默靜已用舍在時或以舊齒名德或遇胥洎賜予以將其厚意詔命以達乎至誠或想見夫人親至其第或各從爾志愈厚其風存歿攸同始終一貫斯蓋有國者之典也

周文王至於磻谿之水呂尚釣於涯王下趨拜曰望公七年乃今見光景於斯

武王克商一戎衣天下大定乃反商政政繇舊釋箕子囚式商容閭

漢武帝時汲黯爲九卿帝不冠不見也嘗坐武帳

置兵闔五兵於帳中也黯前奏事帝不冠望見黯避帷中使人

可其奏其敬禮如此

昭帝元鳳元年三月賜郡國所有行義者涿郡韓福

等五人帛人五十疋遣歸詔曰朕閱勞以官職之事

其務修孝悌以教鄉里令郡縣嘗以正月賜羊酒有

冊府元龜

帝王部
禮賢

卷之九十七

十二

不幸者賜衣被一襲祠以中牢

後漢光武建武中詔徵太原周黨黨伏而不謁博士

范升奏毀黨曰臣聞堯不須許繇巢父而建號天下

周不待伯夷叔齊而王道以成伏見太原周黨東海

王良山陽王成等蒙受厚恩使者三聘乃肯就車及

陛見帝廷黨不以禮屈伏而不謁偃蹇驕悍同時俱

遊黨等文不能演義武不能死君釣采華名庶幾三

公之位臣願與坐雲臺之下考試圖國之道不如臣

言伏虛妄之罪而敢私竊虛名誇上求高皆大不敬

書奏天子以示公卿詔曰自古明王聖主必有不賓

之士伯夷叔齊不食周粟太原周黨不受朕祿亦各有志焉其賜帛四十疋

杜林扶風人少好學時稱通儒王莽敗避亂客河西建武六年光武聞林已還三輔乃徵拜侍御史引見問以經書故舊及西州事甚悅之賜車馬衣被群僚知林以名德用甚尊憚之士大夫咸推其博洽

索盧放建武六年徵爲雒陽令有能名因病乞身從諫議大夫數納忠言後以疾去建武末復徵不起光武使人與之見於南宮雲臺賜谷二千斛遣歸除子爲太子中庶子

冊府元龜

帝王部 禮賢

卷之九十七

十三

王良爲司徒司直以病歸後連徵輒稱病詔以玄纁聘之遂不應後光武幸蘭陵遣使者問良所苦疾不能對詔復其子孫邑中徭役

明帝時韋彪好學洽聞雅稱儒宗帝聞彪名永平六年詔拜謁者賜以車馬衣服

趙咨少有孝行舉至孝有道遷博士謝病去徵拜議郎辭疾不到詔書切讓州郡以禮發遣前後再三不得已應召復拜東海相章帝初淳于恭不應辟召客隱瑯琊黔陬山數十年建初元年帝下詔美恭素行告郡賜帛二十疋遣詣公車除爲議郎引見極日訪

以政事

江革齊國臨淄人事母孝鄉里稱之曰江巨孝建初中太尉牟融舉賢良方正再遷司空長史章帝甚崇禮之遷五官郎將每朝會帝嘗使虎賁扶持及進拜嘗目禮焉時有疾不會朝太官送醪膳恩寵有殊後上書乞骸骨轉拜諫議大夫賜告歸因謝病稱篤元和中天子思革至行制詔齊相曰諫議大夫江革前已病歸今起居何如夫孝百行之冠衆善之始也國家每惟志士未嘗不及革縣以見殺千斛賜巨孝嘗以八月長吏存問致羊酒以終厥身如有不幸祠以

冊府元龜

帝王部 禮賢

卷之九十七

十四

中牢繇是巨孝之稱行於天下及卒詔復賜穀千斛鄭均建初六年公車特徵再遷尚書數納忠言章帝敬重之後以病乞骸骨拜議郎告歸因稱病篤帝賜以衣冠

東觀記曰均遣子英奉章詣闕詔召見英問均所苦賜以冠幘錢帛

鄭均東平人毛義廬江人並有至行元和元年詔告廬江太守東平相曰議郎鄭均東脩安貧恭儉節整前在機密以病致仕守善貞固黃髮不怠又前安邑令毛義躬履遜讓比徵辭病淳潔之風東州稱仁書不云乎彰厥有賞吉哉其賜均義谷各千斛嘗以八月長吏存問賜羊酒顯茲異行

東觀記曰賜羊一頭酒二十斗終其身問遣

賢良必以八月諸物老成故順其時氣助養育之也故月仲秋之月養衰老授几杖行糜粥飯食鄭玄注云助明年帝東巡過任城乃幸均舍勅賜尚書祿以終其身故時人號爲白衣尙書

和帝永平九年徵魯恭拜議郎八月飲酎大會章臺詔使小黃門特引恭前其夜拜侍中勅使陪乘勞問甚渥

順帝永建二年策書備禮玄纁徵樊英等四人復固辭疾篤乃詔切責郡縣篤載上道英不得已到京稱病不肯起乃強與入殿猶不以禮屈帝怒謂英曰朕能生君能殺君能貴君能賤君能富君能貧君君何

冊府元龜

帝王部

卷之九十七

十五

以慢朕英曰臣受命於天生盡其命天也死不得其命亦天也陛下焉能殺臣焉能生臣臣見暴君如見仇讐立其朝猶不肯可得而貴乎雖在布衣之列環堵之中晏然自得不易萬乘之尊又可得而賤乎陛下焉能貴臣焉能賤臣臣非禮之祿雖萬鍾不受也申其志雖簞食不厭也陛下焉能富臣焉能貧臣帝不能屈而敬其名使出就大醫養疾月給羊酒至三年三月天子乃爲英設壇帝令公車令道尙書奉引賜几杖待以師傅之禮延問得失英不敢辭拜五官中郎將數月英稱疾篤詔以爲光祿大夫賜告歸令

所在送穀千斛嘗以八月致牛一頭酒三斛如有不幸祠以中牢英辭位不受有詔譬旨勿聽

桓帝初徵爰延拜大鴻臚帝以延儒生嘗特宴見

靈帝卽位再以玄纁聘彭城姜肱肱不至帝手筆下詔曰姜肱抗凌雲之志養浩然之氣以朕德薄未肯降志昔許縣不屈王道爲化夷齊不撓周德不虧州縣以禮優順勿失其意

魏太祖初平荊州乃釋韓嵩之囚以其名重甚加禮待使條品州人優劣皆擢而用之以嵩爲大鴻臚以交友禮待之

冊府元龜

帝王部

卷之九十七

十六

趙戢長安之亂客於荊州及太祖平荊州乃辟之執戢手曰恨相見晚遂辟爲掾後爲五官郎將司馬相國鍾繇長史

祁原自遼東歸於太祖太祖爲司空辟原署東閣祭酒帝北伐三郡單于還任昌國燕士大夫及酒酣帝曰孤反鄴守諸君必將來迎今日明且度皆至矣其不來者獨有祁祭酒耳言訖未久而原先至門下通謁帝大驚喜攀履而起遠出迎原曰賢者誠難測度孤謂君將不能來而遠自屈誠副饑虛之心謁訖而出軍中士大夫詣原者數百人帝怪而問之時荀文

若在坐對曰獨可省問邵原曰耳帝曰此君名重乃亦傾士大夫心文若曰此一世異人士之精藻公宜盡禮以待之帝曰固孤之宿心也自是之後見敬益重原雖在軍歷署嘗以病疾高枕里巷終不當事人希會見河內張範名公之子也其志行有與原符甚相親敬令曰邵原名高德大清規邈世魁然而時不爲孤用聞張子頗欲學之吾恐造之者富隨之者貧也張範後因帝自荊州還得見於陳以範爲議郎參丞相軍事甚見敬重

文帝黃初二年公卿朝朔旦乃引故漢太尉楊彪待

冊府元龜

帝王部

卷之九十七

十七

以客禮詔曰先王制几杖之賜所以賓禮黃耆褒崇元老也昔孔光卓茂皆以淑德高年受茲嘉賜公故漢宰臣乃祖已來世著名節年過七十行不踰矩可謂老成人矣所宜寵異以彰舊德其賜公延年杖及憑几謁請之日便使杖入又可使著鹿皮冠彪辭讓不聽竟着布單衣皮弁以見四年詔拜光祿大夫秩中二千石朝見位次三公如孔光故事彪上章固辭帝不聽又爲門使行馬致吏卒以優崇之初彪見漢祚將終自以累世爲三公恥爲魏臣送稱足攀不復行積十餘年帝卽王位欲以爲太尉令近臣宣旨彪

辭曰嘗以漢朝爲三公值世衰亂不能立尺寸之益若復爲魏臣於國之選亦不爲榮也帝不奪其意虞翻在吳爲騎都尉有盛名帝嘗爲翻設虛座

薛夏博學有才爲祕書丞文帝加之每與夏推論書傳未嘗不終日也每呼之不名而謂之薛君夏居甚貧帝又顧其衣薄解所御服袍賜之其後征東將軍曹休來朝時帝方與夏有所咨論而外啓休到帝引入坐定帝顧夏言之於休曰此君祕書丞天水薛宣聲也宜共談其見遇如此

晉宣帝爲魏相時南陽州泰好立功業善用兵荊州

冊府元龜

帝王部

卷之九十七

十八

刺史裴潛以泰爲從事帝鍾宛潛數遣詣帝繇此爲帝所知及征孟達泰又導軍遂辟泰泰頻喪考妣及祖九年居喪帝畱缺待之至三十六日擢爲新城太守

景帝爲魏相時山濤年四十餘隱身不交世務與宣穆后有中表親是以見帝帝曰呂望欲仕邪命司隸舉秀才除郎中轉驃騎將軍王昶從事中郎久之拜趙國相遷尚書吏部郎文帝爲晉太子與濤書曰足下在事清明雅操邁時念多所乏今致錢二十萬穀二百斛魏帝嘗賜景帝春服帝以賜濤又以母老并

贈黎杖一枝遷大將軍從事中郎帝以濤鄉閭宿望命太子拜之

元帝爲鎮東大將軍引賀循爲軍司循稱疾篤賤疏十餘上帝遣之書曰夫百行不同故出處殊因性而用各任其貞耳當宇宙肅清彝倫攸攸隨運所遇動默在已或有遐棲高蹈輕舉絕俗逍遙養和怡神自足斯蓋道隆人逸勢使其然若乃時運屯弊主危國急義士救時驅馳拯世燭之武城縱以入秦園綺彈冠而輔漢豈非大雅君子卷舒合道乎虛薄寡德忝備近親謬荷寵位受任方輒殫服玄風慕美高矩

冊府元龜

帝王部

卷之九十七

十九

嘗願棄結駟之軒軌策柴輦而造門徒有其懷而無從賢之實者何良以寇逆殷擾諸夏分離皇居失御黎元荼毒是以日夜憂懷慷慨發憤志在竭節耳前者顧公臨朝深賴高筭元凱既登集許獲逸至於今日所謂道之云亡邦國殄瘁群望顒顒實在君侯苟義之所在豈得讓勞居逸想達者亦一以貫之也庶稟徽猷以弘遠規今上尚書豈得爲軍司謹遣參軍沈慎銜命奉授望必屈臨以副傾遲循猶不起及帝承制復以爲軍諮祭酒循稱疾敦逼不得已乃舉疾至帝親幸其第因詔以正道循羸疾不堪拜謁乃就

加朝服賜第一區車馬牀帳衣褥等物循辭讓一無所受

紀瞻以世亂還吳時元帝爲瑯琊王遷安東將軍引瞻爲軍諮祭酒轉正東長史帝親幸瞻宅與同乘而歸

王嶠北軍中侯佑之子也少有風尚并司二州交辟而不就永嘉末携其二弟避亂渡江時元帝鎮建業教曰王佑三息始至名德之胄並有操行宜蒙飾敘且可給錢三十萬布三百疋米五十斛親兵二十人尋以嶠參世子東中郎軍士不就

冊府元龜

帝王部

卷之九十七

二十

杜夷初拜國子祭酒教曰今大義顛替禮典無宗朝廷滯義莫能攸正宜特立儒林祭酒官以弘其事處士杜夷棲情遺遠確然絕俗才學精通道行優備其以夷爲祭酒夷辭疾未嘗會朝帝欲詣夷夷陳萬乘之主不宜往庶人之家帝乃與夷書曰吾與足下雖情在忘言然虛心歷載正以足下羸疾故欲相省寧論嘗儀也建武中令曰國子祭酒杜夷安貧樂道靜志衡門日不暇給雖原憲無以加矣其賜穀二百斛皇太子三至夷第執經問義夷雖逼時命亦未嘗朝謁國有大政嘗就諮訪焉明帝卽位夷又表請退詔

曰先王之道將墜於地君下帷研思今之劉揚縉紳之徒景仰軌訓豈得高退而朕靡所取則焉

後魏道武時奚莫忠厚有智謀帝寵遇之稱之曰仲尼後以軍功拜并州刺史賜爵任城公

賈彞弱冠爲慕容垂驃騎大將軍遼西王農記室參軍道武先聞其名嘗遣使者求彞於垂彌增器敬更加寵秩

大武時崔浩爲左光祿大夫帝每幸浩第多問以異事或倉卒不及束帶奉進蔬食不暇精美帝爲舉匕箸或立嘗而旋其見寵愛如此於是引浩出入臥內

冊府元龜帝王部 禮賢 卷之九十七 二十一

孝文時李平涉獵群書好禮易頗有文才太和初拜通直散騎侍郎帝禮之甚重

王肅爲豫州刺史尋徵入朝孝文手詔曰不見君子中心如醉一日三歲我勞如何餘館華林拂席相待卿欲以何日發汝漬也故復此勅

劉芳爲太嘗卿沈雅方正槩尚甚高經傳多通孝文尤器敬之勤相顧訪

孝明時甄琛爲侍中明解朝義在官清白自孝文宣武咸相知待至帝以師傅之義而加禮焉

後周太祖時江陵平王褒與王克劉殷宗懷殷不害

等數十人俱至長安帝喜曰昔平吳之利二陸而已今定楚之功群賢畢至可謂過之矣又謂褒及王克曰吾卽王氏甥也卿等並吾之舅氏當以親戚爲之情勿以去鄉介意於是授褒及克殷不害等車騎大將軍儀同三司嘗從容上席資餼甚厚褒等亦並荷恩眊忘其羈旅焉

韋夔前後十見徵辟皆不應命屬太祖經綸王業側席求賢聞夔養高不仕虛心敬悅遣使辟之備加禮命雖精論甚至而竟不能屈彌以重之亦弗之奪也所居之宅枕席林泉夔對翫琴書蕭然自逸時人號

冊府元龜帝王部 禮賢 卷之九十七 二十二

爲居士焉至有慕其閑素者或載酒從之夔亦爲之盡歡接對忘倦及明帝卽位禮敬愈厚乃爲詩以貽之曰六爻身遜世三辰光少微潁陽讓愈遠滄州去不歸香動秋蘭佩風飄蓮葉衣生石窺仙島乘舟下釣磯嶺松千仞直崑泉百尺飛聊登平樂觀遙望首陽薇詎能同四隱來參余萬幾憂答帝詩願時朝謁帝大悅勅有司日給河東酒一升號之曰逢公

元暉頗好涉獵書記少得美名於京下太祖見而禮之命與諸子遊處每同席共覩情契甚厚弱冠召輔相府中兵參軍

劉璠爲梁雍州刺史蕭循府司馬時武陵王紀稱制於蜀徵璠爲中書侍郎璠堅求還蕭循及至白馬西